

Autor: Alberto Álvarez Peña. (Fundación Belenos)

# Los Argol.laos

*Munches vegaes, nes hestories, mécese mitos y arqueoloxía.  
Ye'l casu de los Argol.laos nel conceyu d'Ayer.*

“Antes de ser Felechosa la xente vivía en Cuevas, hai allá un sitiu que llaman El Cementerio, onde atoparon güesos de la xente antigua. Los Argol.laos llevaban un firru na nariz, una argol.la, eso ye de mui p'atrás. Decín que yera una raza pelús”  
[Cuntao por José Alonso Fernández, 74 años, natural de Felechosa, Ayer. Recoyó'l 27-VII-2005]

“Pal puiblu que llamaban Pindiel.la o Pindiel.le y que güei llaman “Pendilla”, los que son nativos d'ellí son xentes morunas, son moros, decín. Eso fue de cuando los desterraron d'equí los asturianos, mandáronlos a los desiertos de León. Son los Argol.laos, esos que quedaron señalaos con una argol.la na nariz, quedaron los cazurros colas ovejas y las cabras. No cimero del monte Los Arciaos, que detrás ta'l picu La L.liebre, decía la xente que diérase una gran batalla y que vense unos muretes y unas pareas de cuando la batalla colos moros. El monte Los Arciaos llamase asina porque un arciaú ye un sitiu cerráu onde van escondese los bichos, los llobos o los raposos”  
[Cuntao por Fenando Fernández González, 81 años, natural de Santibanes de Murias, Ayer. Recoyó'l 8-V-2011]

“Los Argol.lanes o Los Argol.laos yeran xente que vinieron de los cabeceros de L.lión, de Pindiel.la y de Cármenes, dempués d'una batalla que se diera, pa distinguilos punxéron-yos una argol.la de firru na nariz. Yeran mui malos, yeran moros y castigáronlos a marchar de La Pruvía de p'arriba Murias, qu'antiguamente yeran casas que pasaron a ser cuadras, d'ehí d'El Colléu. Echáronlos pa Castilla, echáronlos pal desiertu de L.lión. L.lámanlos cazurros. D'esos moros debe quedar dalgo familia en Murias. Nun los querían nin los mismos moros”.  
[Cuntao por Marina Fernández González, 75 años, natural de Santibanes de Murias, Ayer. Recoyó'l 8-V-2011]

“Los Argol.laos esos decían que yeran descendientes de los moros, Al echar a los moros los que quedaron convirtiéronse a la llesia y pa saber los que yeran colocáron-yos una argol.la na nariz. Yeran los que tenían que dir pal África, pero quedaron aquí y dempués los cabeceros d'ellos, de L.lión, fueron a parar el.lí con cuenta de que morrieran. Andaban pel monte con cabras y ovejas. Quedó'l dichu: “Yes más fíu qu'un Argol.lán”, porque yera xente qu'andaba mui zarrapastroso”  
[Cuntao por Marina Fernández González, 64 años, natural de Santibanes de Murias, Ayer. Recoyó'l 26-II-2000]

Pa la parte Los Argüel.los recuéyese una tradición que tamién fala de xente escorrida, anque l'argol.la llévenla al piscuezu:

“De mui antiguo dicen que estos pueblos estaban vacíos, no vivían por aquí. En el puente de Valdeteja que llaman de Los Verdugos aforcaban, colgaban a los condenaos por eso le quedó el nombre y a otros condenaos que no colgaron los mandaron a estos montes que llamaban Monte Loberos, pa que los comiesen los lobos, los abandonaban por aquí y llevaban una argolla al cuello, y poco a poco esto se fue poblando con esta gente, los argollanos y dieron nombre a la zona esta”.

[Contao por Inés Fernández Alonso, 74 años, natural de Tolivia d'Arriba, Los Argüel.los, L.lión]

A Los Argüel.los pertenecen les poblaciones de Villamanín, Cármenes y Valdellugueros. Ye lo que llamaben conceyu d'Arbolíu o Hermandá de Los Argüel.los. Yeren les cabeceres de los ríos Bernesga, Curueñu y Toríu. Los sos habitantes teníen realengu, ye dicir, yeren nobles, (anque la tradición oral diz lo contrariu) asina aparez na donación d'Ordoñu II, el 18 de mayu de 919:

“Montibus que vocicantur Arbolio [...] qui est propius noster de avorum vol parentorum principum nostrorum [...]” (Nos montes nomaos Arbolíu, que son de la nuesa propiedá y de los nuegos güelos los principes [...])”

El fueru d'Arbolíu ratificóse nel sieglu X polos reis de L.lión.

Pa entamar, anque la pallabra “moru” venga del llatín MAURUS (escuru) equí emplégase con otra aceición. El moru sedría'l paganu, el non bautizáu, esta pallabra foi desaniciano a la pallabra “xentil”. Un bon exemplu tenémoslu na cueva Los Moros averada a Regueira Cavada (onde atópense resclavos de minería aurífera romana), antiguamente nel Escobedal (conceyu Salas) esa cueva llamábase La Cueva los Xentiles. Ye más, nel sieglu XVII, según el tratáu del padre Acosta “De procuranda indorum salute”, al falar de los vaqueiros d'alzada diz: [...] “Viven faltos de doctrina, en continua peregrinación de las montañas, donde veranean con sus ganados, a las marinas, donde habitan en invierno. Cuidando más el pasto terreno para sus ganados que recibir el espiritual de sus almas, sin oír sermón ni doctrina de los párrocos, son pues moros de alzada”. (1)

Tamién ye abondo interesante ver qu'en L.leitariegu (Cangas del Narcea) cuando una muyer tenía un rapacín dába-ylo a la madrina pa que lo llevara a la ilesia a bautizar. Al devolvé-ylo decía: “Fixístimi gran favor comadri, pues dite un mouru ya devolvístimi un cristianu”. (2)

Col tiempu, el “moru” sedría'l qu'afuxentó Pelayu na batalla Cuadonga y cualquier reclaviu arqueolóxicu (dólmenes, castros, turruxones medievales, etc.) sería cosa de los moros.

Per un llau estos Argol.laos morunos parecen tar venceyaos a la Vía Carisa onde asítiase'l campamentu'l Monte Curriel.los y tán rellacionaos coles campañaes de Publio Carisio, legáu d'Augusto ente'l 26-22 enantes de la nuesa dómina, escontra los ástures. (3)



Tamién tán venceyaos al pueblu leonés de Pindiel.la onde atópense delles lleendes de moros sobre topónimu del llugar:

“Al pueblu llámenlu Pindiel.la como decíen los vieyos, porque hasta va pocu yéramos asturianos, pertenecíamos a l’Abadía d’Arbas. El pueblu llámase asina por una engarradiel.la colos moros que persiguiéronlos hasta equí y equí pendieronlos, colgáronlos por eso-y quedó Pindiel.la al pueblu, aunque güei digan Pendilla”.

[Cuntao por Jerónimo Alonso, 83 años, natural de Pindiel.la, L.lión. Recoyó’l 6-IV-1997]

Pindiel.la taría na Vía Carisa. Tamién llama l’atención que la xente identifique los Argol.laos cola xente de L.lión, los “cazurros” qu’en munches tradiciones, venceyaes a les lleendes de Pelayu, sedríen tamién los ástures cismontanos que nun quixeron xunise a elli pa lluchar escontra los moros y en dellos casos fábase de Los Argüel.los en L.lión, llugar onde fueron parar estos renegaos.

Pero amás la idega de que los moros lleven una argolla nes ñarres dase n’otros conceyos y lleguen a identificase con una pieza arqueolóxica, les arracaes con forma de media lluna, xeneralmente feches en bronce. Estes arracaes tienen una cronoloxía mui amplia que va dende la Edá del Fierru a l’Alta Edá Media.(4)

Asina Juan Manuel Calvo, natural de Caliao (conceyu Casu) contónos, el 7-V-1998, qu’atopare “una areta, un ñarigón de los moros” pa La Peña’l Castru, baxando un ramu per baxu la reguera La Fonte Tenllada nel Valle Valdefaces (5). La Peña’l Castru tien abondes referencies a tesoros y batalles de los moros aunque a día de güei entá nun se catalogó ningún yacimientu.

Tamién nel Castiel.lu d’Alesga, en San Salvador, (conceyu Teberga) atopáronse tres arracaes de bronce, recoyíes por Canor Álvarez Torano, de Ca Honorino (2-IV-2003) que siempre oyó a los vecinos del llugar decir que yeren “aretes que llevaban los moros nas narices”. Aunque con cronoloxía medieval, el Castiel.lu d’Alesga, podría tener l’aniciu nuna “turris” romana de control vial del Valle San Pedru de dómina altuimperial a xulgar por un as de bronce de la ceca de Calagurris de la dómina del emperador Tiberio (14-37 la nuesa dómina) (6).

Otres cinco arracaes atopáronse nel castru de Caravia, dos nel castru del Picu Castiellu (Sieru) y otra más en L.larón (Cangas del Narcea) (7). Tamién tenemos otra arracada d’esti xeitu, aunque fecha n’oru, nel castru de Moriyón (Villaviciosa) que vien datase nos siglos VI-VII enantes la nuesa dómina (8).

Nun sabemos que nel conceyu d’Ayer s’atoparen esti tipu d’arracaes pero como vemos la so intepretación como aretes que llevaben “los moros” nes ñarres espárdese per Asturies, aunque nel casu de los Argol.laos dizse que yeren de fierru. Hasta qué puntu dalguna ayalga arqueolóxica condicionó’l xeitu míticu d’estos pobladores del conceyu nel maxín popular nun lo sabemos. Ye más, dizse d’ellos que yeren “xente pelú” lo que quier evidencianos el so arcaismu, lo mesmo que’l dicir qu’andaben pel monte con cabres y oveyes queriendo estremalos de la xente’l pueblu y faciendo d’ellos raza aparte na memoria los nuegos paisanos.



**Referencies:**

- (1) Álvarez Peña, A.: “Arqueología y tradición oral asturiana”, en *Estudios varios de arqueología castreña*, V.V.A.A., edita Instituto de Estudios Prerromanos y de la Antigüedad (Santander, 2007)
- (2) “Costumbres de Nacimiento, Matrimonio y Muerte en Asturias”, edita Muséu del Pueblu d’Asturies (Xixón, 1998). (Encuestas de campo realizadas por el Ateneo de Madrid, 1901-1902)
- (3) Camino Mayor, J.: “La línea de operaciones de la Vía Carisa (Asturias y Norte de León), en *Las guerras astur-cántabras*, V.V.A.A., edita KRK (Xixón, 2015)
- (4) Maya, J. L.: “La cultura material de los castros asturianos”, en *Estudios de la antigüedad*, edita Universidad Autónoma de Barcelona (Barcelona, 1988)
- (5) Álvarez Peña, A.: “Anuncia d’una arracada atopada en Caliao (Casu)”, en revista *Asturies, memoria encesa d’un país*, nº 28, edita Fundación Belenos (Uviéu, 2009)
- (6) Fanjul Peraza, A., Menéndez Bueyes, L. y Álvarez Peña, A.: “La fortaleza de Alesga (Teberga-Asturias) una posible turris altoimperial”, en revista *Gallaecia*, nº 24, edita Universidade de Santiago de Compostela (A Coruña, 2005)
- (7) Maya, J.L.: op. cit.
- (8) Camino Mayor, J.: “Una incursión na Edá del Fierro, el poblamientu castreñu de la Ría de Villaviciosa”, en revista *Asturies, memoria encesa d’un país*, nº 2, edita Fundación Belenos (Uviéu, 1996)



## CLÍNICA DENTAL

DR. IGNACIO FERNÁNDEZ-VIGIL GARCÍA  
Colegiado nº: 33000842  
Nº Registro Sanitario: C.2.5.1/3690

- Radiodiagnóstico SCANNER 3D
- Cirugía Guiada por Ordenador
- Implantes Dentales
- Tratamientos con LÁSER
- Cirugía Oral
- Ortodoncia Niños y Adultos
- Ortodoncia Invisible
- Estética Dental y Blanqueamientos
- Endodoncia rotatoria y Prótesis Dental
- Periodoncia (Tratamiento de las Encías)
- Problemas de Oclusión y Masticación

## MEDICINA ESTÉTICA, VASCULAR Y NUTRICIÓN

DRA. ANA HOSPIDO MASIP  
Colegiado nº: 282857552  
Nº Registro Sanitario: C.2.5.1/3690

- Esclerosis de varices (arañas vasculares)
- Mesoterapias faciales (vitaminas, ácido hialurónico)
- Rellenos dérmicos con Ácido Hialurónico y Radiesse
- Peelings médicos (eliminación manchas, arrugas y cicatrices,...)
- Mesoterapias corporales (rejuvenecimiento, celulitis,...)
- Dietética y Nutrición (Test de intolerancia alimentaria. Dietas hipocalóricas y proteinadas)
- Tratamientos estéticos con láser (depilación...)

# Clínica Vigil

Más de 40 años a la vanguardia innovando para usted

Moreda de Aller

# 985 48 04 09

[www.clinicavigil.com](http://www.clinicavigil.com)